

Kata Kunci:
Budaya / Adat
Nilai
Agama



Majlis Ugama Islam Singapura
Khutbah Jumaat
24 April 2026 / 6 Zulkaedah 1447H
Islam dan Budaya

أَحْمَدُ لِلَّهِ الَّذِي هَدَانَا لِهَذَا وَمَا كُنَّا لِنَهْتَدِيَ لَوْلَا أَنْ هَدَانَا اللَّهُ. أَشْهَدُ أَنْ
لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ، وَعَلَى آلِهِ وَأَصْحَابِهِ أَجْمَعِينَ. أَمَّا بَعْدُ،
فِيَا عِبَادَ اللَّهِ، اتَّقُوا اللَّهَ. قَالَ تَعَالَى فِي التَّزْوِيلِ: يَا أَيُّهَا الَّذِينَ آمَنُوا اتَّقُوا
اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ.

Zumratal mukminin rahimakumullah,

Marilah kita bertakwa kepada Allah s.w.t. dengan sebenar-benar takwa. Taati segala perintah-Nya dan jauhi segala larangan-Nya. Selaraskan cara hidup kita dengan panduan **agama**-Nya. Semoga Allah s.w.t. melimpahkan keberkatan dan kasih sayang-Nya kepada kita semua. Amin, ya Rabbal 'Alamin.

Sidang Jumaat yang dirahmati Allah,

Apakah perkara pertama yang terbayang dalam fikiran bila kita bercakap tentang **budaya**? Apakah pula peranan **budaya** dalam

kehidupan seorang Muslim? Insya-Allah, khutbah hari ini akan membahaskan tentang **budaya** menerusi lensa Islam.

Hadirin sekalian, **budaya** adalah suatu kebiasaan yang diwarisi turun-temurun, sama ada dalam bentuk pertuturan atau perbuatan, yang disandarkan pada suatu kaum atau bangsa. Terkadang, berlaku percampuran antara **budaya** dengan pengamalan agama.

Hari ini, terdapat lebih 2 bilion Muslim di segenap pelusuk dunia. Pastinya, kehidupan kita semua diwarnai **budaya** yang berbeza-beza. Persoalannya, apakah pandangan Islam tentang hal ini?

Saudaraku, Islam mengiktiraf kewujudan dan kerencaman **budaya**. Dalam ayat ke-13 Surah Al-Hujurat contohnya, Allah s.w.t. menjelaskan bahawa manusia diciptakan daripada bangsa dan suku yang rencam agar saling mengenali. Pastinya, **budaya** merupakan salah satu identiti suatu bangsa yang kita dianjurkan untuk mengenalinya.

Oleh itu, kita tidak sewajarnya tergesa-gesa menolak atau merubah sesuatu **budaya** hanya kerana ia berbeza dengan kebiasaan kita. Pada masa yang sama, kita tidak boleh pula bertegang urat mempertahankan **budaya** yang jelas bercanggah dengan syariat Islam. Inilah yang dimaksudkan dengan pendekatan seimbang yang dituntut dalam Islam.

Sidang jemaah yang dimulihkan,

Ketahuiilah, hukum asal pengamalan **budaya** tertentu adalah harus atau dibolehkan, dengan syarat ia selari dengan panduan syariat Islam.

Ini kerana Islam bukanlah **agama** yang anti-**budaya**. Sebaliknya, Islam hadir untuk memperhalusi **budaya** agar selari dengan **nilai** keimanan. Dalam hal ini, para ulama menjelaskan bahawa hubungan antara Islam dan **budaya** dapat difahami melalui beberapa pendekatan:

Pertama, terdapat amalan budaya yang diiktiraf dan disokong ajaran Islam. Amalan seperti memuliakan tetamu, gotong-royong dan bersegera menghulurkan bantuan kepada golongan yang memerlukan adalah contoh **budaya** yang telah sebatu dalam masyarakat kita. Islam hadir lalu memperkukuhkan kedudukan **budaya** tersebut sebagai amalan yang digalakkan. **Budaya** seperti ini bahkan menjadi tanda kesempurnaan iman seseorang.

Kedua, terdapat juga amalan budaya yang diperbetulkan oleh Islam. Sebagai contoh, menjadi amalan masyarakat Arab sebelum Islam membela kaum keluarga dan kerabat dalam sesuatu perselisihan walaupun mereka berada di pihak yang salah. Kemudian, Rasulullah s.a.w. membetulkan **budaya** pembelaan secara membuta tuli ini dengan memperkenalkan panduan Islam yang menegakkan keadilan dan menolak kezaliman, walaupun jika ia berlaku di kalangan orang yang

terdekat. Ini sejajar dengan ajaran Rasulullah s.a.w. dalam mafhum sepotong hadis yang bermaksud: “*Bantulah saudaramu yang menzalimi atau yang dizalimi.*” (Riwayat Al-Bukhari). Membantu orang yang menzalimi bererti dengan memperbetul kesalahannya. Ini jelas menunjukkan bahawa Islam membentuk **budaya** yang diwarisi agar selaras dengan prinsip keadilan dan kebenaran.

Ketiga, terdapat juga amalan budaya yang ditolak dan dihentikan oleh Islam kerana bertentangan dengan **nilai agama**. Antaranya termasuklah budaya meminum minuman keras. Dalam hal ini, Islam bertegas bahawa **budaya** seperti ini meruntuh moral, merosakkan masyarakat dan mesti dihindari.

Sidang jemaah yang dirahmati Allah,

Dalam konteks masyarakat majmuk dan kosmopolitan, isu **budaya** boleh menjadi medan pertembungan pandangan. Barangkali, ada yang terlalu mudah menolak **budaya** lain hanya kerana ia berbeza, dan ada pula yang terlalu mudah menerima semua bentuk **budaya** tanpa panduan **agama**.

Justeru, Islam memberikan kita panduan yang seimbang:

Pertama, kerencaman budaya dilihat sebagai satu kekayaan, bukan kecacatan. Perbezaan yang wujud dalam masyarakat adalah sesuatu yang perlu diraikan, bukan dipaksa untuk diseragamkan. Tidak semua yang berbeza itu salah. Sebagai contoh, walaupun sebilangan besar umat Islam di sini

berbangsa Melayu, **adat** dan **budaya** Melayu tidak wajar dipaksakan ke atas Muslim yang datang daripada latar belakang yang berbeza. Sikap saling menghormati dalam interaksi **budaya** adalah asas kepada keharmonian masyarakat.

Kedua, budaya yang baik perlu dibimbing dengan nilai keimanan. Budaya mengenakan pakaian yang sopan, berbudi bahasa, serta menjaga hubungan kekeluargaan dan kemasyarakatan adalah **budaya** yang harus terus dipelihara. Namun, ia perlu dipandu oleh ajaran **agama** agar tidak sekadar menjadi **adat**, tetapi juga menjadi ibadah yang mencerminkan keimanan kita kepada Allah s.w.t.

Ketiga, kita perlu bersikap cakna dan bijaksana dalam menilai amalan budaya. Tidak semua amalan **budaya** perlu dikekalkan. Ada kalanya, kita perlu berani meninggalkan amalan yang tidak sesuai dengan syariat Islam. Namun, perubahan ini perlu dilakukan dengan hikmah dan secara berperingkat, sebagaimana pendekatan Islam dalam pengharaman arak.

Hari ini, masih terdapat usaha mengekalkan **budaya** yang bercanggah dengan Islam kerana tidak didasari ilmu yang sahih. Contohnya, terkadang wujud aktiviti seperti kuda kepang yang mengandungi unsur khurafat, begitu juga dengan amalan kebergantungan kepada *wafak* dan azimat untuk keselamatan diri. Semua ini memerlukan penilaian keagamaan yang teliti dan

keyakinan keimanan untuk membuat perubahan dengan pendekatan penuh hikmah.

Sidang jemaah sekalian,

Sedarilah bahawa bukan mudah pada hari ini untuk kita mendekati serta menyelaraskan **budaya** dan **agama** dengan penuh hikmah. Namun, ia tetap wajib kita lakukan. Bak kata pepatah yang masyhur di rantau ini: “**Adat bersendi syarak, syarak bersendi kitabullah.**” **Agama** menjadi panduan, manakala **budaya** menjadi wadah untuk kita menghayati **nilai-nilai** mulia dalam kehidupan seharian.

Marilah kita berusaha menjadi masyarakat yang mengamalkan **budaya** berlandaskan panduan iman. Semoga dengan itu, kita dapat membina sebuah masyarakat yang rukun, berilmu, dan bijak dalam mengamalkan tuntutan Islam. Amin, ya Rabbal ‘Alamin.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، فَاسْتَغْفِرُوهُ إِنَّهُ هُوَ الْغَفُورُ
الرَّحِيمُ.

Khutbah Kedua

الْحَمْدُ لِلَّهِ حَمْدًا كَثِيرًا كَمَا أَمَرَ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى فِيمَا أَمَرَ، وَانْتَهُوا عَمَّا نَهَى عَنْهُ وَزَجَرَ.

أَلَا صَلُّوا وَسَلِّمُوا عَلَى النَّبِيِّ الْمُصْطَفَى، فَقَدْ أَمَرَنَا اللَّهُ بِذَلِكَ حَيْثُ قَالَ فِي كِتَابِهِ الْعَزِيزِ: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.

وَارْضَ اللَّهُمَّ عَنِ الْخُلَفَاءِ الرَّاشِدِينَ الْمُهَدِّينَ سَادَاتِنَا أَبِي بَكْرٍ وَعُمَرَ وَعُثْمَانَ وَعَلِيٍّ، وَعَنْ بَقِيَّةِ الصَّحَابَةِ وَالْقُرَابَةِ وَالتَّابِعِينَ، وَتَابِعِي التَّابِعِينَ، وَعَنْ مَعَهُمْ وَفِيهِمْ بِرَحْمَتِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ وَالْأَمْوَاتِ. اللَّهُمَّ ادْفَعْ عَنَّا الْبَلَاءَ وَالْوَبَاءَ وَالرُّلَازِلَ وَالْمِحْنَ، مَا ظَهَرَ مِنْهَا وَمَا بَطَنَ، عَنِ بَلَدِنَا خَاصَّةً، وَسَائِرِ الْبُلْدَانِ عَامَّةً، يَا رَبَّ الْعَالَمِينَ. اللَّهُمَّ أَنْصُرْ إِخْوَانَنَا الْمُسْتَضْعَفِينَ فِي عَزَّةٍ وَفِي فِلِسْطِينَ وَفِي كُلِّ مَكَانٍ عَامَّةً، يَا أَرْحَمَ الرَّاحِمِينَ. اللَّهُمَّ بَدِّلْ خَوْفَهُمْ أَمْنًا، وَحُزْنَهم فَرَحًا، وَهَمَّهُمْ فَرَجًا، يَا رَبَّ الْعَالَمِينَ. اللَّهُمَّ اكْتُبِ السَّلَامَ وَالسَّلَامَ وَالْأَمْنَ وَالْأَمَانَ لِلْعَالَمِ كُلِّهِ

وَلِلنَّاسِ أَجْمَعِينَ. رَبَّنَا آتِنَا فِي الدُّنْيَا حَسَنَةً، وَفِي الآخِرَةِ حَسَنَةً، وَقِنَا عَذَابَ
النَّارِ.

عِبَادَ اللَّهِ، إِنَّ اللَّهَ يُأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى، وَيَنْهَى عَنِ
الْفَحْشَاءِ وَالْمُنْكَرِ وَالْبَغْيِ، يَعِظُكُمْ لَعَلَّكُمْ تَذَكَّرُونَ، فَادْكُرُوا اللَّهَ الْعَظِيمَ
يَذْكُرْكُمْ، وَاشْكُرُوا عَلَى نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ، وَلَا تَكْفُرُوا
اللَّهُ أَكْبَرُ، وَاللَّهُ يَعْلَمُ مَا تَصْنَعُونَ.